

447 Parzival, der werde degen,
 het des libes sô gepflegen,
 daz sîn zimierde rîche
 stuont gar rîterliche.
 5 in sôlhem harnasch er reit,
 dem ungelfich was jeniu kleit,
 diu gein im truoc der grâwe man.
 daz ors ûzem pfade sân
 kêrter mit dem zoume.
 10 dô nam sîn vrâgen goume
 umbe der guoten liute vart;
 mit süezer rede ers innen wart.
 dô was des grâwen rîters klage,
 daz im die heileclischen tage
 15 niht hülfern gein alsôlhem site,
 daz er sunder wâpen rite
 ode daz er barvooz gienge
 unt des tages zît begienge.
 Parzival sprach zim dô:
 20 »hêrre, ich erkenne sus noch sô,
 wie des jâres urhap gestêt
 ode wie der wochen zal gêt.
 swie die tage sint genant,
 daz ist mir allez unbekant.
 25 ich diende einem, der heizet got,
 ê daz sô lasterlischen spot
 sîn gunst über mich erhancte.
 mîn sin im nie gewancte,
 von dem mir helfe was gesagt;
 30 nû ist sîn helfe an mir verzagt.«

*D: D Fr5 *m: m *G: G I O L Z *T: T U V

1 Initiale D Fr5 m G I O L Z T U **8** Majuskel T **13** Initiale I · Majuskel T

6 was] warin Fr5 **7** diu] di D **11** liute] livtin Fr5 **13** rîters] hêren *m **14** heileclischen] heiligin Fr5 (I) **15** hülfern D (Fr5) · alsôlhem] solchim Fr5 **18** begienge] inpfienge Fr5 **20** ich erkenne] inirkenne Fr5 **21** urhap] zit Fr5 · gestêt] stât *m **22** ode] Alde Fr5 · wochen] wochun Fr5 **27** erhancte] virhancte (verhannte m) Fr5 (*m) **28** im] ime ê ([*]; im e V) *m (V)